

Aruba orguyoso cu cancion di Jeon a resona na final di Copa Mundial 2018 na Rusia



ORANJESTAD (AAN): Pa hopi Arubiano, tabata un orguyo grandi ora cu Diadomingo durante e ceremonia di despedida pa Copa Mundial Rusia 2018, cu diripiente e cantante di Puerto Rico, Nicky Jam a cumenza canta e cancion X ("Equis").

E cancion aki, "X" a wordo traha pa Nicky Jam y J Balvin di Colombia, y a wordo co-produci pa e talento di Aruba, esta Jeon. E otro producer ta Afro Bros.

DIARIO a tuma nota cu hopi hende riba social media a expresa nan orguyo, satisfaccion, y nan aprobacion cu un cancion di un Arubiano a resona via speakernan di Stadion Luzhniki na Moscu.

Ministro di Cultura, Xio-

mara Maduro ta uno cu inmediatamente a emiti un mensahe, unda el a muestra con e composicion di Jeon a zona den mundial. E ta muestra aki cu Aruba ta orguyoso di Jeon.

Ademas di e cancion "X", Nicky Jam a canta tambe e cancion cu a bira e cancion oficial di Mundial, esta "Live it Up". El a canta esaki riba escenario mey-mey di Luzhniki hunto cu e cantante di Kosovo, esta Era Istrefi, y tambe cu e cantante/actor Mericano, Will Smith.

Nicky Jam di 37 aña di edad a subi escenario bisti cu un shirt cu e cara di J Balvin riba dje imprimi.

DIARIO ta felicita Jeon, cu un cancion di dje a resona rond mundo pa miyones di hende, y canta pa Nicky Jam

